

四庫全書

經部

欽定四庫全書

子部  
醫壘元戎卷一

詳校官太醫院八品吏目<sup>臣</sup>黃發

編修<sup>臣</sup>倉聖脈覆勘

總校官<sup>臣</sup>編修<sup>臣</sup>王燕緒

校對官<sup>臣</sup>修撰<sup>臣</sup>吳錫齡

謄錄監生<sup>臣</sup>范楹

欽定四庫全書

子部五

醫壘元戎

醫家類

提要

臣等謹案醫壘元戎十二卷元王好古撰好古字進之趙州人官本州教授據好古所作此事難知序蓋其學出於李杲然此書海藏黃耆湯條下稱杲為東垣李明之先生而易老大羌活湯條下稱先師潔古老人則好古

實受業張完素殆如趙匡陸淳同受春秋於

啖助而淳又從匡講問歟自跋稱是書已成

於辛卯

金哀宗正大八年

至丁酉春

元滅金之第四年

為人

陰取之元藁已絕更無餘本予職州庠杜門

養拙蘊鹽之暇無可用心想像始終十得七

八試書首尾僅得復完前有自序亦作於丁

酉歲蓋初成於金末而重緝於元初也其書

以十二經為綱皆首以傷寒附以雜證大旨

祖長沙緒論而叅以東垣易水之法亦頗採  
用和劑局方與丹溪門徑小異然如半硫丸  
條下註云此丸古時用今時氣薄不用則斟  
酌變通亦未始不詳且慎矣其曰醫壘元戎  
者自序謂良醫之用藥若臨陣之用兵也此  
本為嘉靖癸卯遼東巡撫右都御史餘姚顧  
遂所刻萬曆癸巳兩淮鹽運同知鄞縣屠本  
峻又重刻之體例頗為參差蓋書帕之本往

往移易其舊式今無原本可校亦姑仍屠本  
錄之焉乾隆四十六年五月恭校上

總纂官臣紀昀臣陸錫熊臣孫士毅

總校官臣陸費墀

醫壘元戎原序

革車千乘帶甲十萬籌策沈機神鬼猜泣奇正萬全歷  
古如是況良醫之用藥獨不若臨陣之用兵乎柰何世  
人以平昔鹵莽之浮學應倉卒無窮之疾變其不眩駭  
顛仆者寡矣況患固多藏于細微而發于人之所忽由  
輕蹈危療之求當苟無妙算深謀成法以統之則倒戈  
敗績之不暇尚何勝之可圖哉則前日門類品目之定  
盡計不及之也予自河南與諸友將弟兵日從事于患

難之場隨病察胗逐脈定方開之効之薄之發之以盡  
其宜吐之神之汗之下之以極其當攻守不常出沒無  
定大綱小紀經緯悉陳本數末度條理具設前乎此古  
人之所隱秘深藏或不盡意者不啻胸中自有十萬精  
銳如太阿之在匣中其輝未嘗耀于外一旦撒而揮之  
有以恐人之耳目特入陣之奇鋒七擒之利刃其敵可  
却其勝可決而其安可圖如此而後已故曰醫壘元戎  
云丁酉九月二十有九日王好古書



欽定四庫全書

醫壘元戎卷一

元 王好古 撰

傷寒之源

帝曰人傷于寒而傳為熱何也歧伯曰夫寒盛則生熱也寒氣外凝內鬱之理腠理堅緻玄府閉緻則氣不宣通濕氣內結中外相薄寒盛熱生故人傷于寒轉而為熱汗之而愈則外凝內鬱之理可知斯乃新病數日者

也今風寒客于人使人毫毛畢直皮膚閉而為熱當是之時可汗而發也 海藏云傷寒冬傷于寒也邪氣內藏至春夏而發為熱病元受邪氣伏藏遇春夏風寒所傷外邪喚出內邪也有有汗者有無汗者所以有傷風傷寒之異也亦有先傷寒而後傷風者亦有先傷風而後傷寒者亦有先傷寒而重感寒者亦有先傷風而重感風者此四者汗有多寡亦有止作亦有常汗而不止者有全無汗者先證重後傷輕則顯重者先證輕後傷

重則亦顯重者當以脉謹察之不可忽也利害天壤死  
生係焉有傷于陽者風雨寒暑是也有傷于陰者飲食  
居處陰陽喜怒是也其變又有不可深數者元感風寒  
與新傷各合而變有有形無形內外之異所以治之當  
從其變而藥不一也輕重寒暑在其中矣歧伯曰平旦  
人氣生日中而陽氣降日西而陽氣已虛氣門乃閉是  
故暮而收拒無擾筋骨無見霧露反此三時形乃困薄  
扁鵲脉一呼一吸皆四至而濇者邪中霧露之氣也仲

景曰清邪中於上焦又曰霜降已後春分已前中霧露者皆為傷寒也又曰清邪中於上焦濁邪中於下焦與

飲冷同傷也

此一條議論在陰證論神術湯後霧露條下

且傷風者惡風傷

雨者惡濕傷寒者發熱惡寒傷暑者心熱畏日此皆傷于陽者也飲食不節者或饑或飽或冷或硬居處不時或塞或通或勞或逸陰陽太過者隱相易之形狀或一或二喜怒不常者須心腹之逆滿或隔或痞此皆傷于陰者也舊有冬伏之寒邪在經春夏之復傷而作傷于

陽者則邪氣外併傷于陰者則邪氣內併新傷引出舊傷也或四季之中有一日兩傷有一時并傷則內外相合其變至多矣或陽證或陰證或陰毒或襍證俱在其中先外傷後內傷外就內而合病若頭痛身疼輕而內傷重者當先治內之重者後治外之輕者先內傷後外傷內就外而合病若心腹痞悶輕而外傷重者當先治外之重者後治內之輕者然亦有內外俱輕亦有內外俱重當各從其所可先者而先治從其所并治者而并

治次第不失萬舉萬全矣治內兼外者不可寒下若下則陷經邪于內治外兼內者不可熱發若發則益中熱于外二者皆逆豈不危乎藥之寒熱可輕用哉

### 內傷論

內傷先傷胃或曰上熱下冷傷食病也手足四支微冷或四順兩脇熱甚此少陽也中州先傷少陽反病者何也答曰內傷者先傷胃足陽明也經云脾胃相通五穀消是脾與胃陽戊陰己共為腐熟今既胃傷連及脾也

兩脇雖為少陽之地章門二穴所處即脾之膜也脇安得不熱況從內而至外者先少陽內傷中州而少陽亦病也假令內傷有巴豆及諸濕熱之屬又有備急丸寒熱各半之例又有枳實大黃牽牛之屬亦有神麴麥蘖縮砂仁及三稜廣茂之例其藥不一又有玄明丸煮黃丸種種不一內傷之疾豈一藥所能畢哉今人無論證之寒熱人之虛實便之要結只一藥而主之寒熱安得不差所以人病者虛勞殘疾無所不有也然內傷脾胃

與少陽俱病此陽病也若內傷陰病當以理中而復脉

虛而細少陰病也脉虛而弦厥陰病也脉弱而虛太陰

本病也

三陰之藥具見陰證論潔古老詳說可下之藥於前今又詳說可用之藥於後并見陰證論

有無病能食而傷者有有病不能食而傷者不可不知

也內傷心腹痛大小便不通服食藥心腹微快大小便

通餘邪傳入干標頭痛發熱後治其標標藥合隨三陽

經用輕治之即愈此由內而外先治其內後調其外此

其法也以其飲食過多傷之太過故邪熱之氣傳入于



標內既以定外又安得為之全愈若冬伏寒之氣在經內傷喚出冬伏之邪先內傷次標病亦如前法先治內後治外此內重而外輕故如是也若外重而內輕先治其外後治其內可也以上止是內傷太過非積寒傷冷也若積寒傷冷脈已從陰雖有標病不須治標獨治內也內三陰之經所用皆溫劑內既得溫標病不發而自愈何以然發表之藥不遠熱也三陰溫雖非發表之藥亦不遠熱也內既以溫標病從內而變亦從此而解矣

若錯汗之三焦之氣絕而成太陰也此溫中之劑雖獨  
治內亦兼治外也不可不知陰證治本不治標標本  
俱得治標不治本標本俱失已有冬伏寒邪若內傷  
喚出舊邪使見太陽證也若無冬伏寒邪者止是內傷  
發出不和邪氣多顯少陽證也兩脇熱甚頭額痛手足  
冷如厥逆狀熱甚然後手足溫或熱雖手指末亦有微  
冷者

王朝奉集仲  
景活人例

不可汗不可吐不可下

大法春宜吐春夏宜發汗秋宜下凡用發汗及吐下湯  
皆中病便止不必盡劑也少陰病脉微不可發汗亡陽  
故也宜附子湯 陽已虛盡自弱瀉者復不可下之宜  
小柴胡湯 動氣在左在右在上在下并不可發汗宜  
柴胡桂枝湯 少陰病脉細沈數病在裏不可發汗宜  
當歸四逆湯 少陽不可發汗宜小柴胡湯 咽中閉  
塞咽喉乾燥亡血衄家淋家瘡家不可發汗已上六證  
并小柴胡湯 下利清穀不可發汗宜理中湯四逆之

類若四逆厥及虛家皆不可吐厥宜當歸四逆湯虛宜  
附子湯 有熱人可黃耆人參建中湯 少陰病隔上  
寒乾嘔不可吐宜小半夏加橘皮湯溫中丸 咽中有  
動氣不可下咽中閉塞不可下宜烏扇湯 諸外實者  
不可下諸四逆厥者不可下虛家亦然厥宜當歸四逆  
湯虛宜附子湯 有熱入黃耆人參建中湯本虛攻其  
熱必噦小柴胡湯 脉浮而緊法當身痛宜以汗解假  
令尺中遲者不可發汗榮氣不足血少故也宜小柴胡

湯 脉濡而緊濡則衛氣微緊則榮中寒陽微衛中風  
發熱而惡寒榮緊衛氣冷微嘔心內煩此不可汗宜小  
柴胡湯 脉濡而弱不可發汗宜小柴胡湯 脉浮而  
大浮為氣實大為血虛小便當赤而難胞中當虛今反  
小便利而大汗出法應衛家微可與小建中湯今反更  
實津液四射榮竭血盡乾煩而不得眠此不可下宜與  
小柴胡湯 脉浮大應發汗宜柴胡桂枝湯而反下之  
為大逆脉浮而緊者不可下宜桂枝麻黃各半湯數不

可下宜柴胡桂枝湯 下之必煩利不止宜葛根黃芩

黃連湯 脉濡弱浮數不可下宜小柴胡湯 脉濡弱

微瀋微則陽氣不足中風汗出而反躁煩瀋則無血厥

而且寒不可下宜桂枝甘草龍骨牡蠣湯 結胸脉浮

大不可下下之即死宜小陷胸湯 夫陽病多者熱下

之則鞭宜小柴胡湯 太陽發汗不徹轉屬陽明微汗

出不惡寒若太陽證不罷下之為逆宜桂枝麻黃湯

太陽病饑外證未解不可下下之為逆宜桂枝麻黃湯

病致于陽而反下之熱入因作結胸病發于陰而反下之因作痞 病脉浮而緊而復下之緊反入裏則作痞 太陽與陽明合病喘而胸滿不可下宜麻黃杏子甘草石膏湯 太陽與少陽合病心下鞭頸項強而眩者不可下宜小柴胡湯 四逆厥及虛家皆不可下厥宜當歸四逆湯虛家宜附子湯 病欲吐者不可下宜小半夏加橘皮湯 太陰腹痛吐食白利腹痛下之必胸下結鞭 厥陰病渴氣上衝心中熱既不欲食食

則吐衄下之利不止 少陰病飲食入口則吐心中溫  
溫欲吐復不能吐始得之平星寒脉引遲者此胸中寒  
實不可下也宜溫中湯生薑汁半夏湯 無陽證強大  
便鞭者下之必清穀腹滿宜用蜜煎導等法傷寒五六  
日不結胸腹濡脉虛復厥者不可下此亡血也宜當歸  
四逆湯下之即死宜四逆加人參湯 藏結無陽證不  
往來寒熱其人反靜舌上胎滑者不可攻也 攻謂下也 宜用  
小柴胡湯 針關元穴傷寒嘔多雖有陽明證不可攻



之宜小柴胡湯 陽明病身面色赤攻之必發熱宜調  
胃承氣湯 色黃者小便不利也宜五苓散 陽明病  
心下鞭滿者不可攻之宜生薑瀉心湯 半夏瀉心湯  
攻之利不止者死宜四逆湯 不可汗吐一條三法利  
害非輕前人多列經後大抵醫之失只在先藥藥之錯  
則變生若汗下不差則永無亡陽生黃畜血結胸痞氣  
及下利洞泄協熱利瘕急虛勞等證生矣以其如此故  
錄大禁忌于前使醫者當疾之初不犯也

又三忌

時忌 春夏不宜桂枝秋冬不宜麻黃

藥忌 已汗者不得再發已利者不得再泄

病忌 虛人不宜用涼實人不宜用熱其所犯之劑當從緩而輕

海藏云前人說不可汗下吐三法多在經後讀者往往遺之此用藥之大禁必不可犯今列之篇首使人易見爾

六陽證 先足經從湯液 後手經從雜例

仲景桂枝湯

治太陽證傷風自汗脉浮而緩

桂枝

芍藥

生薑

各一錢半

甘草

紅棗

去核夏加黃芩  
知母石膏升麻

右為麤末水一盞煎至八分溫服自汗小便不數者  
宜用無汗小便數手足分不惡寒或膏粱好飲者不  
宜用

小建中湯

治陽脉濇陰脉弦

桂三  
字

芍藥一錢

甘草半錢

生薑三片

紅棗擘去核後放此

右為麤末每服五錢生薑三片棗一枚水一盞半煎至八分去滓下膠飴兩匙再煎溫化服日三夜二尺脉尚遲再加黃耆末一錢後人用治雜病改桂枝為桂取其厚薄不言枝

金匱小建中湯

治虛勞急悸衄腹中痛夢失精四肢酸疼手足煩熱  
咽乾口燥宜此方主之

桂枝

三兩  
去皮

芍藥

六兩

甘草

三兩  
煮

生薑

三兩  
切

右六味㕮咀以水七升先煮五味取三升去滓內膠  
飴令消溫服一升曰三服嘔家不可用此湯以其有  
甘草故也

千金療男女因積勞虛損或大病後小腹作疼四體沈

滯骨內疼酸吸吸少氣行動喘憊或小腹拘急腰背  
強痛心中虛悸咽乾唇燥面目少色或飲食無味陰  
陽痿弱悲憂慄戚多卧少起久者積年輕者有日漸  
致瘦削五藏氣竭則難可復根又治肺與大腸俱不  
足虛寒之氣小腹拘急腰痛羸瘠百病肘後黃耆建  
中湯有人參二兩

金匱黃耆建中湯

虛勞裏急諸不足宜此方主之

黃耆

桂枝

去皮

生薑

各一兩切

芍藥

六兩

甘草

三兩煮

大棗

膠飴

一升

右七味㕮咀以水七升先煮六味取三升大滓內膠

飴令消溫服一升日三服 集驗云嘔者加生薑腹

滿去棗加茯苓四兩一方療肺虛損不足痞氣加半

夏五兩

金匱黃耆桂枝五物湯

血痺病從何得之師曰夫尊樂人骨弱肌膚盛重因

疲勞血出卧不得時動搖加被微風遂得之但以脉  
自濇在寸曰開上下緊宜針陽氣令脉和緊去則愈  
血痺陰陽俱微寸口關上微尺中小緊外證身體  
不足如風狀宜此方主之

黃耆

三兩

芍藥

三兩

桂枝

三兩  
去皮

生薑

六兩  
切

大棗

右五味㕮咀以水六升煮取二升去滓溫服七合作  
三服一方有人參



金匱桂枝加龍骨牡蠣湯天雄散亦主之

夫男子平人脉大為勞極虛亦為勞 男子面色薄

者主濁及亡血卒喘悸浮者裏虛也 男子脉虛沈

弦無寒熱短氣裏急小便不利面色白時日暝兼衄

少腹滿此為勞使之然勞之為病其脉浮大手足煩

春夏劇秋冬差陰寒精自出酸削不能行 男子脉

微弱而濇為無子精清冷夫失精家小腹弦急陰頭

寒目眩

一作眼脹痛也

髮落脉極虛芤遲為清穀亡血失

精脉得之訖動微緊男子失精女子夢交並以此方主之

桂枝

去皮

芍藥

生薑

各二兩切

甘草

二兩煮

大棗

十二枚

龍骨

煨

牡蠣

各三兩熬

右七味咬咀以水七升煮取三升去滓分溫三服少

諾云虛羸浮熱汗出者除桂加白薇附子各一分故

云加龍骨湯

天雄散

天雄

三兩  
去皮

白朮

八兩

桂枝

六兩  
去皮

龍骨

一兩  
煨

右四味搗為末酒服方寸七日三服不如稍增之

### 易簡建中湯

治腹中切痛增損治療各各不同並見于後此藥飲酒人不喜甘者不宜服此藥與桂枝湯用藥一同但減芍藥加官桂枝數專治傷風發熱自汗用此藥表之無汗者不宜服此

官桂

三分

白芍藥

一兩  
半

甘草

半兩

右咬咀每服四錢水一盞半生薑五片棗一枚煎至六分去滓服

大治婦人血痛男子心腹疼痛并四肢拘急疼痛心腹疼痛甚者加遠志半兩或吐或瀉狀如霍亂及胃濕寒賊風入腹拘急切痛加附子三分痛氣發作當歸附子建中湯煎時加蜜一匙頭許一方治男子婦人諸虛不足小腹急痛脇肋膨脹臍下虛滿胞中煩悸面色痿黃唇口乾燥少力身重胞滿短氣腰

背強痛骨肉酸疼行動喘乏不能飲食或因勞傷過  
度或因病後不復加黃耆一兩半名黃耆建中湯  
一方治婦人一切氣血虛損及產後勞傷虛羸不足  
腹中疼痛呼吸少氣小腹拘急痛引腰背時自汗出  
不思飲食加當歸一兩

柴胡桂枝湯

桂枝人參湯

桂枝附子去桂加白朮湯

桂枝芍藥湯

若誤下傳裏傳表也

桂枝加大黃湯

去枝加大黃與大柴胡法有表有裏同例已上諸湯並見活人舊小本中

主朝奉桂枝白虎問答

云春初秋末冬月方用桂枝麻黃五六月壯熱不用  
白虎若諾用桂枝麻黃則內熱發黃生斑必死二月  
三月四月溫病宜陽旦湯七月八月猶熱病壯熱尚  
宜白虎自然汁解或問孫曰杜張皆言變苦果見桂  
枝麻黃證亦豈得不用只用白虎也孫曰此說甚妙  
但臨時看證用之老弱之人不宜白虎白虎治傷寒  
亦治渴證

桂枝例

活人陽旦湯

治中風傷寒脉浮發熱往來汗出惡風項強鼻鳴乾嘔

桂枝

三

芍藥

三

甘草

二

黃芩

二

右剉如麻豆大每服五錢水一盞半棗一箇生薑三片煎至一盞取八分清汁溫服

自汗者加附子渴者加桂加括萋主利者去芍藥名

當歸建中湯若產後半月每日三服令人可壯

黃耆建中湯

桂

芍藥

甘草

加黃耆

當歸建中湯

桂

芍藥

甘草

加當歸

局方藥令黃耆湯

范汪當歸湯皆出桂枝建中例

大建中湯

主治並見局方

桂心

三錢

芍藥

二錢

甘草

八錢

棗

二枚擘破



生薑

錢八

加黃耆

錢二

當歸

錢一

人參

錢一

附子

錢半

半夏

錢三

右以咀水五盞煎至三盞去滓分作三服

桂枝加葛根湯

桂枝加厚朴杏仁湯

桂枝加附子湯

桂枝去桂加白朮茯苓湯

桂枝加芍藥湯

桂枝去芍藥加附子湯

桂枝甘草湯

桂枝白朮甘草湯

味四

茯苓桂枝甘草大棗湯

漫水

茯苓桂枝生薑甘草湯

味四

桂枝加桂湯

桂枝去芍藥加蜀葵牡蠣龍骨救逆湯

桂枝甘草龍骨牡蠣湯

柴胡桂枝甘草湯

桂加乾薑三心下悸者去芍藥加茯苓三虛勞裏急者正陽旦湯主之煎時入膠飴佳 若脉浮緊無汗發熱者不可與服也

活人陰旦湯

王朝奉陰旦陽旦湯與活人同

治傷寒股節疼痛內寒外熱虛煩

桂心 三

芍藥 三

甘草 一

大棗 十五  
枚

乾薑 一

黃芩

二此一味  
酌量加減

右剉如麻豆大每服五錢水一盞半煎至八分去滓  
溫服日三夜二

活人解肌湯

治溫病頭  
疼壯熱

桂心

一分

芍藥

半兩

甘草

一分

麻黃

三分

葛根

一兩

黃芩

半兩

右剉如麻豆大每服五錢水一盞半棗一枚煎至八

分日三服三日後不解者再服脉浮者宜再服脉沈實者下

仲景麻黃湯

治傷寒無汗脉浮而緊

麻黃

去節一錢

官桂

去浮皮一錢

甘草

半錢煮

杏仁

三箇半

右為麤末每服五錢水一盞半煎至八分去滓溫服夏加知母黃芩石膏恐有斑黃之變惟冬與春病人素虛寒者不宜加此

仲景桂枝各半湯

桂枝

半錢

芍藥

錢一

生薑

錢一

甘草

錢一

麻黃

錢一

杏仁

半枚

棗

半枚

右為麤末每服五錢水一盞半煎至八分去滓溫服

奉議先生云治傷風得傷寒脉傷風脉證脉不同故宜

各半湯

桂枝二麻黃一湯

桂枝二越婢一湯

大青龍湯

麻黃杏仁甘草石膏湯  
大青龍湯去桂是也

麻黃

錢三

桂

錢一

杏仁

枚二

生薑

錢五

棗

一枚

甘草

一錢

石膏

半錢

右為麤末每服五錢水一盞半煎至八分去滓溫服

汗周止後服

小青龍湯

麻黃

細辛

乾薑

甘草

桂枝

芍藥

各三錢

五味子

各半錢

半夏

一字

生薑

三片

棗

一枚

右為麤末水一盞半煎至八分去滓溫服日三夜二

後人增損為華蓋散大青龍去桂石膏倍杏仁治嗽  
仲景雜方治客忤

麻黃

四兩

杏仁

七十枚

甘草

三兩

右以水八升煮取三升服之

又方

桂

一兩

生薑

三兩

梔子

十四枚

豉

五合

右以酒三升攪煮之去滓頓服取差一法用桂枝一  
法用麻黃以其有汗無汗也

仲景麻黃升麻湯

治壞證傷寒六七日大下後寸脈沈而遲手足厥下部脈不至咽喉不利唾膿血泄利不止者為難治

升麻

一兩一錢

麻黃

去節二兩

知母

黃芩

葳蕤

各十八銖

石膏

白朮

乾薑

芍藥

天門冬

桂枝

茯苓

當藥

一兩一錢

甘草

六銖

右十四味以水一斗先煮麻黃一兩沸去上沫內諸



藥煮取三升去滓分溫三服相去如炊三斗米頃令  
盡汗出愈寸脉沈遲下部又不至泄利久不止不可  
輕用此藥

海藏云仲景麻黃升麻湯條下為下之而寸脉沈遲或  
厥或咽喉不利咳嗽下膿血或下利不止斷作難治  
此藥有桂枝有麻黃湯有乾薑芍藥甘草湯有白虎  
湯內更有少陽藥黃芩是也此是三陽合而標病不  
應不應下而下之壞而成肺痿也若脉不遲者去乾

薑官桂不下利者亦去之寸口脉小者去黃芩此隨證而加減之也前人全用藥以某前證悉備故用三陽標藥以治之經曰治病必求其本是也

肺痿之源

衍義云有一溫病已十二日診之其脉六七至而濇寸稍大尺稍小發寒熱頰赤口乾目不了了耳聾問之病後數日經水乃行此屬少陽熱入血室也若治不對病則必死乃按其證與小柴胡服之二日又與小

柴胡湯加桂乾薑也一日寒熱遂止又云我臍下急痛又與抵當丸微利臍下痛痊身漸涼脉漸勻尚不了了乃復與小柴胡湯次日云我但胞中熱燥口鼻乾又少與調胃承氣湯不得利次日又云心下痛又與陷胞丸半服利三行之日虛煩不寧時妄有所見時復狂言雖知其中有燥屎以其極虛不敢攻之遂與竹葉湯去其煩熱其夜大便自通至曉兩次有燥屎數枚而狂言虛煩盡解但咳嗽唾此肺虛也若不

治恐乘虛而成肺痿遂與小柴胡去人參大棗生薑  
加乾薑五味子湯一日咳嗽減二日而病悉愈以上  
皆用張仲景方

王朝奉陽毒條下有金匱千金唾膿血二條內有吐血  
肺痿失治久不愈變肺癰為難治孫真人詳說并藥  
證具見甘桔例少陰條下並出仲景金匱祖方  
仲景麻黃杏仁甘草石膏湯

麻黃附子細辛湯

麻黃連翹赤小豆湯

麻黃附子甘草湯

主治修製  
並見活人

易簡杏子湯

治一切咳嗽不問外感風寒內傷生冷及虛勞咯血  
痰飲停積悉皆治療

人參 半夏 茯苓 乾薑 甘草

官桂 芍藥 五味子 細辛

右咬咀每服四錢水一盞半杏仁去皮尖剉五枚薑  
五片煎至六分去滓食前服

若感冒得之加麻黃等如脾胃素實者用瞿麥殼去  
筋膜碎剉以醋淹炒等分加之每服添烏梅一枚煎  
服其效尤驗若嘔逆惡心者不可用此法又云杏仁  
人參倍加麻黃添芍藥加麻黃之數乾薑五味子各  
增一半名小青龍湯大治久年咳嗽氣虛喘急皆得  
其宜二方中有麻黃有汗人不宜服此劑

仲景麻黃湯例

仲景麻黃杏仁薤白湯

治風濕身煩  
疼曰脯劇者

麻黃

三兩

杏仁

三枚

甘草

薏苡仁

各一兩

右四味以水四升煮取二升分溫服

仲景薏苡仁附子湯

治胸痺偏緩急者

薏苡仁

一十枚

附子

十枚炮

右二味杵末每服方寸匕日三

活人麻黃葛根蔥豉湯

治傷寒三二日頭項腰脊痛惡寒脉浮而緊四味隨

定奪分兩

右判如麻豆大水煮麻黃去沫次下葛根二十沸次下豉次下蔥白煎成去滓溫飲少時以蔥醋粥投之覆衣取汗後有活人蔥白例并王朝奉蔥白等方

活人知母麻黃湯

易老解利法

乾山藥

一兩 藜蘆 一錢

右為細末紙燃蘸少許鼻內嚙之

麻黃醇酒湯

治黃疸病

凡用麻黃去節去沫曝乾再用麻黃一把去節綿裹



美酒五升煮取半升去滓頓服

一法治風此箇風字非傷風自汗即中風痺而無升故用麻黃後越婢中有風痺字

麻黃

一兩

穿山甲

二錢

人參

二錢

甘草

水酒各一碗同煎服

越婢湯

治風濕痺  
脚氣弱

麻黃

去節去沫  
焙二兩

石膏

四兩

白朮

一兩

附子

一兩  
炮

甘草

煮半  
兩

右判如麻豆大每服四錢水一盞半生薑三片棗一枚煎至八分去滓溫服

通頂散

解利  
湯寒

藜蘆

半兩

躑躅華

一錢

藿香葉

二錢

右為細末紙燃蘸少許鼻內嚙之

活人獨活散

治傷寒  
溫濕

羌活

獨活

防風

細辛

黃芩

川芎

甘草

人參

茯苓

枳殼

甘菊華

石膏

麻黃

蔓荊子

薄荷

生薑

右十三味為竈末坐薑薄荷水煎去滓溫服年高者  
以川芎代黃芩自汗者減麻黃風濕證多自汗故減  
麻黃

活人敗毒散

治傷風溫疫風濕風眩風痰卑濕

羌活

獨活

前胡

柴胡

枳殼

人參

茯苓

桔梗

甘草

川芎

為細末生薑水煎或沸湯點亦可大人小兒皆宜瘴  
烟之地溫疫時行或人多風痰或處卑濕脚氣此藥  
不可闕也

海藏云傷寒得傷風脉傷風得傷寒脉故仲景有大青  
龍之劑及汗出過多戒不可服有筋惕肉瞤之證許  
公學士諄諄以此則知麻黃桂枝不可輕用也及洪

川韓氏又有桂枝之戒以其亂治貴賤之不同芳草  
壅鹽之不等故耳至於楊氏明理特有互見脉體非  
精於持診者則未易能也後之學者安所適從哉

先師潔古老人博採衆方別立一法作十味大羌活湯  
無問有汗無汗中風中寒悉皆治之使喜溫者去五  
積之變熱好涼者除雙解之變寒雖市夫農子用而  
無失自非聖賢之前身豈能筆下有此胸次耶

易老大羌活湯

治傷寒脉浮而緊傷風脉浮而緩并解兩感惡候

羌活

防風

白芷

川芎

細辛

甘草

蒼朮

製

生地黃

黃芩

右麤末每服五錢生薑五七片水一盞半煎至七分  
去滓稍熱服無時 大羌活湯全生地黃朮許白中  
別為麤末各等分稱之名曰羌活地黃各半湯解利  
兩感傷寒有神詳說見難知易老大羌活湯劑料大

小服餌溫熱加減並從緩急法

法加大黃治風熱淫于內同瀉青丸主治並見錢氏  
一法治破傷風用豆淋酒煎素有寒者加草烏頭  
白朮一字服之

芎辛例

芎辛湯

治頭風鼻塞身  
重肩背拘急

川芎

半兩

細辛根

二錢

甘草

半錢

右為麤末量多少水煎去滓分二服臨卧一法加

吳白芷辛夷甘菊華治鼻出黃水濁涕不絕腦痛目昏

易簡芎辛湯

治一切頭痛發熱者不當服其餘痰厥飲厥腎飲等證偏正頭痛不可忍者只以此藥并聖餅子不拘病退但多服此自能作效仍服養正丹黑錫丹并用此藥調鍾乳粉間服諸證頭痛緊捷之法法以踰此但頭疼多用石膏蓋取其能墜痰飲然恐性寒故以鍾



乳代之腎厥頭疼尤得其宜或以石膏煨過為末用亦得

生附子

川烏頭

生南星

炮

乾薑

細辛

川芎

各一兩

咬咀每服四錢水二盞薑五片茶芽少許煎至六分

去滓食前服

若氣壅塞盛只用川芎一兩細辛半

兩甘草三錢煎至如前服 又一方治頭疼以細辛

二錢川芎白芷減半為細末搐入鼻中 一方治氣

虛人頭疼以附子一隻生去皮切作四片用生薑自然汁一大盞浸一宿慢火煮乾再煮再蘸再煮後以添盡薑汁為度高良薑等分為細末臘茶調服之

又治著濕頭重眩暈用川芎白朮生附子等分官桂甘草減半每服四錢薑十片煎服

### 白龍丸

治男子婦人一切風偏身瘡癰手足頑麻偏正頭疼鼻塞腦悶大解傷寒頭風又治霧露之氣或發熱

川芎

細辛

甘草

藁本

白芷

各等分

右為細末藥四兩入石膏半斤細末係煨了者水搜丸每兩分入丸薄荷茶清嚼下一丸食後服風蛀牙疼用一九分作三乾擦後用湯漱之便用蔥茶嚼下一二丸或作湯服之亦可

撥雲散

治眼

羌活

防風

甘草

柴胡

右等分水煎服之

海藏法白朮湯

白朮

三

防風

二

甘草

一

同仲景桂枝湯

黃耆湯

止汗者以生薑煎服

神朮湯

蒼朮

三

防風

二

甘草

一

同仲景麻黃湯

發汗者以蔥白生薑煎服

若以此二藥若傷寒得傷風脉傷風得傷寒脉亦同

各半例加減治法並見陰證論六氣加減

黃耆湯

主治並見陰證論

人參

黃耆

白朮

白茯苓

芍藥

甘草

一法加

藿香

陳皮

生薑

黃耆甘草湯

治風寒入腠理令人膚痛行走無定

膚痛者摩之即痛按之即肉不

痛也

黃耆三

甘草一

生薑煎服

活人防風牡蠣白朮湯

治發汗多頭眩汗出筋惕肉瞤此壞證也

防風

牡蠣粉

白朮

各等分

右為細末每服二錢酒調下米飲湯亦得日二三服  
汗止便服小建中湯

風論

上古聖人之教下也謂虛邪風避之有時註云乘虛而

入非也俗云賊風者牕牖之風亦非也虛邪者從前來者為虛邪不勝已者亦為虛邪也經云從風入腠理注云辟被虛邪亦天之虛邪也移精變氣云賊風數至虛邪朝夕內至五臟骨髓外傷空竅肌肉無問邪之虛實皆乘虛而入非乘虛而入便為虛邪也乃從前來與不勝已皆為虛邪也春甲乙則金風秋庚辛則炎風便是賊風也故勝已者為實邪從後來者是為實邪賊風也故風為百病之始善行數變衝溢吹擊而無窮有太過

不及勝復之各異故撓萬物者莫疾乎風也四時八節之所傷初焉外舍久見內藏始自皮毛次入經絡次入大絡次入大經深入骨髓而不可治

仲景小續命湯

治脉緊緩或浮緩主治證並見局方

麻黃

桂心

芍藥

各五兩

甘草

生薑

各五兩

人參

川芎

黃芩

杏仁

防風

各半兩

防己

附子



崔氏外臺不用防已

右十二味咬咀水一斗二升先煮麻黃三沸去沫內諸藥取之二升分為三服不差再三兩劑隨經輕重發之 腳氣服之亦差 天陰節變服之以防瘡癰恍惚者加茯神遠志 骨節煩疼有熱者去附加白芍藥 千金翼深師古今錄驗有白朮不用杏仁救急方無芍杏仁三味 延壽方無防風

易老法 六經加減例 四時損損同

麻黃續命湯

桂枝續命湯

白虎續命湯

葛根續命湯

附子續命湯

羌活連翹續命湯

獨活續命湯

治卒暴中風不省人事漸覺半身不遂

麻黃

人參

黃芩

芍藥

芎藭

甘草

杏仁

各一兩

防風

半兩

桂

一兩

防己

半兩

附子

半兩

白華蛇肉

獨活

乾蝎

各三錢

右為麤末每服三錢水一盞半生薑五片煎取一盞  
去滓熱服食前

白華續命湯

治卒中急風牙關緊急精神昏憤

白華蛇

全蝎

獨活

天麻

附子

人參

防風

白殭蠶

肉桂

白朮

藁本

赤箭

川芎

細辛

白附子

甘草

半夏

麻黃

白茯苓

各一兩

右為麤末每服五錢水一盞生薑五片煎至七分去

滓稍熱服

大續命湯

脉紫滑者主之治肝癰二風卒然瘖瘓若依古法用  
大小二湯通治五藏偏枯賊風

麻黃

八兩

石膏

四兩

桂心

川芎

乾薑

各二兩

當歸

黃芩

各一兩

杏仁

二十枚

竹瀝

一升

甘草

千金翼有

右九味咬咀水一斗先煮麻黃二沸去沫下諸藥煮四升去滓又下竹瀝煮數沸分作四服能言未差後服小續命舊無竹瀝今增如神大八風散復有竹瀝葛薑三汁法

小續命湯

脉微弱者主之治大風經藏奄忽不能言四肢垂曳  
皮肉痛痒不自覺也

獨活

麻黃

各三兩

川芎

防風

當歸

葛根

生薑

桂心

各二兩

茯苓

一兩

附子

細辛

甘草

各兩

右十二味咬咀水一斗煮取四升五服老小各半之


初得病有汗去麻黃無汗復用之上氣者加吳茱

萸二兩厚朴一兩乾嘔者加附子一兩哕者加陳

皮二兩胞中吸吸少氣者加大棗十二枚心下

驚悸加茯苓二兩熱者去生薑加葛根初得風

未須加減且作三劑四五日後視虛實論之行湯針  
灸法



醫壘元戎卷一



# 欽定四庫全書

子部

醫壘元戎卷二

詳校官太醫院八品吏目黃發

編修臣倉聖脈覆勘

總校官編修臣王燕緒

校對官修撰臣吳錫齡

謄錄監生臣范楹

欽定四庫全書

醫壘元戎卷二

元 王好古 撰

太陽證

太陽流入陽明故葛根次服

仲景葛根湯

主治脩製並見活人二方同

葛根加半夏湯

葛根黃芩黃連湯

葛根升麻湯

錢氏用治小兒痘疹傷寒

葛根

升麻

芍藥

甘草

海藏云活人言頭疼如破者連鬚蔥白湯次又不已

者葛根升麻湯恐太陽流入陽明斷其路故以此湯主之地黃湯內加犀角以升麻代之是知陽明藥非太陽藥也人或初病太陽證便與葛根升麻湯是遺太陽不惟遺經及引太陽邪氣入於陽明不能解也其變可勝言哉

活人蔥白例

此例當在前麻黃葛根蔥豉湯四味條下

連鬚蔥白湯

治傷寒發汗已未頭疼欲破者

蔥白

連鬚半斤

生薑

二兩

右以水二升煮取一升去滓分二三服此藥不差者服葛根蔥白湯

葛根蔥白湯

葛根

蔥白

生薑

芍藥

川芎

知母

右剉水三升煎一升去滓分二服

七味蔥白湯

許仁云傷寒或因氣勞或因食勞其病如強力持虛

行步而發者力勞也

蔥白

連鬚

葛根

鹽豉

生薑

麥門冬

乾地黄

潑水

一斗湯之無數

右七味潑水煎三分去二去滓分作二服覆首出汗

王朝奉方

活人蔥白例並出金匱祖方

蔥薑湯

治妊娠傷寒

蔥白

十莖

生薑

三片切

右二味以水三升煮取一升分作三服取汗為度

又蔥豉湯

蔥白

二兩  
半

豉

半  
斤

右以水三升煮取一升分作二服取汗為度

又蔥白一物湯

蔥白

二  
把

又葛根一物飲子

右以水一升煮熟服取汗食盡亦主安胎若胎死須

臾即出

葛根汁每服一小盞如人行五里地道一服若無生

葛乾葛咬咀煮濃汁服至于升麻梔子前胡知母黃

芩杏仁六味共七物內加蔥白三兩莖煎去滓服

普救散

治小兒傷寒

乾葛

炒半斤

甘草

炒赤四兩

蒼朮

一升  
浸煌

右麤末每服二大錢水一鍾煎至七分去滓熱服

百解散

升麻湯

六兩

蒼朮

四兩

芎藭

一兩

右同為末水煎服

又百解散

治太陽陽明合病

麻黃

荊芥

石膏

川芎

蒼朮

甘草

又百解散

治證同前

麻黃

芎藭

蒼朮

甘草

不卧散

蒼朮

半兩

甘草

一兩

芎藭

三錢



右以水同生薑棗煎服

蕩邪散

藁本

蒼朮

甘草

各等分

右以水一盞煎服之

和解散

蒼朮

半斤製

藁本

桔梗

微炒

厚朴

製各二兩

陳皮

去白

甘草

煮各四兩

右為麤末每服三錢水一大盞生薑三片棗一枚去

滓服

易簡王氏生料五積散

治感冒風寒肩背拘急發熱頭疼或為寒所搏一身凜然急用此藥如服養胃湯法以被覆汗出即愈

蒼朮

桔梗

枳殼

麻黃

陳皮

錢各六

白芷

川芎

當歸

甘草

官桂

半夏

白芍

茯苓

錢各二

乾薑

厚朴

錢各四

右咬咀每服四錢水一盞半生薑三片葱白一根煎至六分去滓食前熱服尋常被風寒濕氣交互為病頸項強直或半身偏疼或麻痺但服此藥加麝香末少許煎服自能平治婦人經候不調心腹撮痛或閉塞不通加醋一合煎服產後催生及胎死腹中亦如前法能飲者更加酒半盞產後發熱及往來寒熱不問感冒風寒及惡露為患均可治療腹中血塊尤宜熱醋調服傷寒手足逆冷面青嘔吐宜加附

子 或疔癰癰癰膀胱小腸氣痛加炒茱萸半錢鹽  
少許 脚氣加茱萸木瓜大便祕者加大黃 脚氣  
下注焮然赤腫者以大便流利為度 脚氣初發增  
寒壯熱者亦宜此藥利之 又一方治渾身瘡疥膿  
血水淋漓經時不愈加升麻大黃名升麻和氣飲

蓋瘡癰為患多因內有所蘊發在皮膚若只傳以藥  
何由得愈不若以此藥滌之若寒濕之氣注下作瘡  
瘡愈則毒氣入腹為害不淺此藥尤妙若有熱證則

以敗毒飲亦加大黃煎服

海藏五積論

麻黃桂芍藥甘草即麻黃桂枝各半湯也蒼朮甘草陳  
皮厚朴即平胃 枳殼桔梗陳皮茯苓半夏即枳梗  
半夏等湯也 又川芎當歸湯治血 又加乾薑為  
厚朴散 右此數藥相合為解表溫中泄熱之劑去  
疾消痞調經之方雖為內寒外感表裏之分所制實  
非仲景表裏麻黃桂枝薑附之的方也至於冷積嘔

吐泄痢癰瘕時疾疫氣項背拘急加蔥白豆豉厥逆  
加吳茱萸寒熱咳逆加棗婦人難產加醋始知用之  
非一途也惟知活法者擇之

仲景五苓散

治太陽病後汗後大汗出胃中乾煩燥不得眠欲得  
飲水者少少與之令胃氣和則愈若脉浮小便不利  
微熱消渴者與五苓生之

猪苓

十八銖  
去皮

澤瀉

一兩  
銖

茯苓

十八銖

桂

半兩  
去浮皮

白朮

十八  
銖

右五味為末以白米飲調服方寸七日三服多飲暖  
水汗出即愈 胃弱小便少亦宜少減二苓澤瀉加  
白木桂便以生薑之類 若水停心下煎生薑三錢  
或半夏入煎濃調服五苓散秤三錢或半兩亦可  
太陽標病傳入標之本發渴溺不利以此散導之邪  
自膀胱而出也若未渴妄用五苓散反引邪氣入裏  
而不能解也故易老云即太陽經之一藥也若傷寒

太陽脉緊而渴者不宜用此 陽明證後有仲景五

苓散一條甘露飲枳朮湯梅師方一以其消痞去水

故入陽明例 飲酒而泄瀉者脾胃受濕也何以知

之仲景厥而心下悸者宜先治水當服茯苓甘草湯

却治其厥不爾水漬入胃必作利也故飲而瀉者五

苓散甘露飲子神效飲酒若過度必作利者裏急後

重者溫熱之毒浸漬腸胃也當作別治 甘露飲即

五苓散去猪苓

闕







附子散

治傷寒手足逆冷筋脉拘急汗出不止頭強搖頭口噤

桂心

二錢

附子

一兩  
炮

白朮

一兩

川芎

三錢

獨活

半兩

右各咬咀每服三錢水一鍾棗一枚同煎至五分去

滓溫服

桂心白朮湯

治傷寒陰瘕手足厥冷筋脉拘急汗出不止

白朮

防風

甘草

桂心

附子

川芎

各等分

右剉如麻豆大水五盞薑五片棗一枚同煎七分去滓溫服

附子防風散

治傷寒陰瘕閉目合面手足厥逆筋脉拘急汗出不  
止

白朮

防風

甘草

桂心

附子

乾薑

柴胡

茯苓

五味子

右咬咀每服三錢水一盞生薑四片煎至七分去滓  
溫服無時

八物白朮散

治傷寒陰瘕三日不差手足厥冷筋脉緊急汗不出  
陰氣內傷

白朮

茯苓

桂心

麻黃

羌活

良薑

附子

五味子

右咬咀每服四錢水一大鍾薑五片同煎至五分去  
滓溫服無時無論有汗無汗藥并下藥中總加羌活  
王朝奉剛柔二症三藥

金匱括萎桂枝湯

有汗者弱也屬陰

太陽證其證備身體強兀兀然脉沈遲為瘕

括藁根

三兩

桔梗

去浮皮  
三兩

芍藥

三兩

甘草

炙二兩

每服五錢水二小盞薑七片棗二枚煎至一盞去滓服汗不出食頃啜熱粥以發之

桂枝加葛根括藁湯

治症如前

桂枝

芍藥

各一兩

甘草

葛根

括藁根

各二錢半

右咬咀每服五錢水二盞薑五片棗二枚煎至一盞

去滓服

金匱葛根湯

無汗者剛也屬陽

太陽病無汗而小便少反氣上衝脘口噤不得語欲作剛症

葛根

四兩

麻黃

三兩去節

桂枝

二兩六分浮皮

甘草

煮二兩

生薑

三兩切

芍藥

三兩

大棗

二十枚

右咬咀水一斗先煮麻黃葛根一二沸去上沫內諸

藥煮取三升去滓溫服取微汗王朝奉云芍藥二兩



活人舉敗散

治新產血  
虛症者

右以荊芥穗不以多少微炒為細末好酒調五錢服之

或云仲景瘧病無藥今王朝奉治瘧葛根湯即桂枝湯  
內加葛根麻黃是也治後有金匱芍藥三兩一句即  
是仲景有本方也叔和編次仲景言證而無藥金匱  
以有也活人百合證數藥以為活人藥而不知本草  
所載皆金匱方當知仲景有本方矣金匱玉函即仲

景之昔稱也金匱要畧亦出玉函故朝奉但言金匱處便為仲景方也故文潞公輩皆稱仲景為羣方之祖蓋本此也

海藏症濕暍別法

神朮湯

治風濕惡寒脉緊

蒼朮

防風

甘草

右咬咀蔥白煎去滓服 解利無汗治剛症加

羌活

獨活

麻黃

白朮湯

治風濕惡寒脉緩

白朮

防風

甘草

右咬咀生薑煎去滓服

解利有汗治柔痙加

桂心

黃耆

白朮

太陽陽明加川芎荊芥穗

正陽陽明加羌活酒大黃

少陽陽明加防風柴胡

熱而在表者加黃芩

寒而在表者加桂枝黃芪附子熱而在裏者加大黃

寒而在裏者加乾薑良薑附子以上數經寒熱當

以脉別之

汗少者加蒼朮

陽濡而弱濕溫也

先傷濕 後傷暑

脉虛名曰重暍

汗多者加白虎桂枝

陰小而急

先傷寒 後傷熱

身熱脉虛 自汗惡寒

中暑也

白虎加桂湯

身熱脉浮 自汗欲睡

風濕也

白朮防已湯

先傷風 後傷熱

先飲冷後傷暑五苓散主之此必心下痞也濃煎生薑湯調服或四君子湯調中湯亦可若中和後或小便不利或莖中痛以蒲黃三錢滑石五錢甘草一錢為細末熱水調送金華丸三五十九 太陽中熱者暍病也 中暑亦暍病也太熱中熱發熱惡寒身重反痛脉弦細訖遲小便洒洒然毛聳少有勞忽然身熱

口開齒燥此有三忌 忌發汗 一忌溫針 二忌大下  
三若犯此三忌則有三甚 發汗惡寒愈甚 一濕針  
發熱愈甚 二大下小便淋甚 三

問弦細乳遲當用何藥答曰海藏黃芪湯主之

海藏黃耆湯

人參 黃耆 白朮 茯苓

芍藥 甘草

各等分

右咬咀每服三錢水一大盞生薑三片煎至六分去

滓溫服

東垣李明之先生云如治風先浸防風二兩次煎餘藥與同例

蒼朮不以多少泔浸透刮去皮切作片子曬乾每服四兩水三大碗煎至二大盞去滓煎用下項藥

白朮

白朮

黃耆

白芍

右四味各等分細剉每服一兩以蒼朮水煎至一盞去滓溫服食遠可用若三焦氣弱中土不能營飲食

心下痞內外三焦之氣絕也 當先浸黃耆二兩水  
二碗煎至一碗再煎正藥黃耆湯一大服用接內外  
三焦元氣同東垣先生法

上浸蒼朮煎藥燥濕也下浸黃耆煎藥接氣也  
易簡白朮湯

治小兒洩泄胃熱煩渴不問陰陽並宜服之

人參

白朮

朮香

茯苓

甘草

黃耆

各兩

乾葛

二兩



右以咀每服二錢水一盞煎至半盞量大小與服仍用香連丸間之渴欲飲水者時時煎服任意飲之彌多彌佳 白朮湯一方治嘔吐白朮人參各一兩半夏一兩半茯苓甘草乾薑各半兩薑煎服錢氏謂小兒吐瀉當溫補之每用理中丸以溫其中五苓散以導其逆連進數服兼用四君子湯加陳皮調之若已虛損用金液丹雜以青州白丸子為末米飲調服多服乃效若吐瀉之後發熱必作驚風二藥服之累有

神效 若胃氣已生則旋減金液丹却以異功散等藥徐徐調之 若食不消脾胃虛寒嘔吐惡心者當服益黃散用陳皮半夏青皮訶子肉甘草各一分丁香一錢量大小煎服小兒暑月吐瀉其證不一宜詳審用之不可差謬有伏暑者小便必不利宜五苓散香茹散 有傷食者其吐并糞必酸臭氣宜服感應丸 有虛冷者泄瀉必多宜以六神湯加附子服之 用人參茯苓山藥白朮扁豆甘草等分薑棗煎服風

證加天麻痢加罌粟殼 吐瀉初定當以天南星為末每服加冬瓜子仁七粒煎服以防變痢 若瀉色青當用驚藥小兒之病與大人無異用藥亦同量力用之 惟風氣臍風夜啼重舌變蒸客忤驚癇解顱題病疳氣不行數證錢氏方甚詳

消暑丹

半夏

一斤

茯苓

一斤

甘草

生半斤

右以醋五升煮半夏蓋醋熬乾薑汁作糊無見生水

為丸每服五十九熱水嚥下精意脩治用之極效  
中暑為患藥下即甦 傷寒發熱頭疼服尤妙 夏  
月常服止渴利小便雖飲水多亦不為害應是暑藥  
皆不及此 若痰飲停節並用生薑湯下入夏之後  
不可缺此

霍亂證夫嘔吐而利者霍亂也三焦者水穀之道路邪  
在上焦者則吐而不利邪在下焦者則利而不吐邪  
在中焦既吐則利以飲食不節冷熱不調清濁相干

陰陽乖隔遂成霍亂揮霍撩亂重也吐利而已輕也  
霍亂吐瀉者風濕暘外至生冷硬内生内外合而為  
病謂如風寒濕暑熱暘所傷各有先後食飲菜果各  
有多少内外傳變各有輕重以六經脉併何經何藏  
以隨所應見活之或表或下或和或收燥潤分利溫  
之屬浮弦實細遲緩宜求此之謂也外邪入裏傷於  
脾胃上吐下利名為霍亂吐利止後見外證者只作  
外傷治之外證不已復傳於裏嘔利再作上下邪甚

先吐利裏氣已虛傷寒再傳而又吐利是謂重虛故不可治而死也先傷寒而為吐利既吐利而再傳傷寒今傷寒卻傳吐利雖曰重虛前後亂經渾濁不已外則難解內則難溫藥餌難為功矣 若飲冷過多或有所傷心下痞腹痛不能食或泄瀉不止若不嘔者化水丹嘔吐者半硫丸右二藥效後服五苓梅瓜等藥不復再飲也

# 化水丹

川芎

蛤粉

牡蠣粉

右為細末醋糊為丸

半硫丸

此丸古時用今時氣薄不用

硫黃

半夏

並依局方脩製服餌

三寶丹

治積冷暴瀉不止不嗜飲食

硫黃

半夏

牡蠣

各等分

右為細末薑糊丸桐子大朱砂為衣生薑湯下二十丸空心服此上三藥並有消暑之意

活人發斑諸藥

葛根橘皮湯

斑在肌

治冬溫未即病至春被積寒所折不得發至夏得熱其寒解冬溫始發肌中斑爛穩疹如錦文而欬心悶但嘔吐清汁服此藥即靜

葛根

橘皮

杏仁

知母

黃芩

麻黃

甘草

各等分

右剉如麻豆大每服五錢匕水一盞半煎去渣溫服



陽毒升麻湯

症在面

卷二

治傷寒一二日變成陽毒或服藥吐下之後變成陽  
毒腰背痛煩悶不安面赤狂言或見鬼或下利脉浮  
大數面赤斑斑如錦文咽喉痛下膿血五日可治七  
日不可治

升麻

二分

犀角

射干

黃芩

人參

甘草

各一兩

右剉如麻豆大水三升煎取一升半去滓飲一盞頃

刻再服以衾覆手足出汗則愈不愈再服

陽毒玄參升麻湯

身 癰 狂

治發汗吐下後毒不散表虛裏實熱發於外故身癰  
癰如錦紋甚則煩燥譫語兼治咽閉腫痛

玄參

升麻

甘草

各等分

右剉每服五錢以水煎去滓溫服

陽毒梔子仁湯

治少陽陽明合病陽毒傷寒壯熱百節疼痛並宜服

之

升麻

黃芩

芍藥

石膏

知母

甘草

杏仁

柴胡

梔子仁

各等分

右麤末五錢水一盞生薑五片豉百粒煎至六分去  
粗溫服無時

四物解肌湯

芍藥

黃芩

升麻

葛根

各等分

右咬咀每服三錢水一盞煎至七分去滓服內傷腹

中有宿食不得大便而發熱當以食藥去其物則可  
便後仍發暑者在表也亦宜解表此皆錢氏朱氏升  
麻湯去甘草加黃芩尤妙

潔古老人涼膈散去大黃硝解六經中熱亦治小兒癰  
欲發之則加防風荆芥二物尤妙 守真說涼膈散  
亦妙大便結小便赤者宜用大小便已通者不宜也  
朱氏錢氏王氏所論皆平易老亦平守真微涼南  
北之地法方宜不同也 折中湯液萬世不易之法

當以仲景為祖

金匱要畧方

陽毒之為病面赤斑斑如綿紋咽喉痛唾膿血五日可治七日不可治陰毒之為病

也面目青身痛如被杖咽喉痛死生與陽毒同升麻鼈甲湯並主之此王朝奉治陰陽毒升麻鼈甲湯俱

出仲景

祖法

痲瘡豌豆瘡

千金方熱病後豌豆瘡黃連一物煮濃汁服 又好青

黛大如棗水服之差 又法木香一物煮濃汁服

五物木香湯

治瘡  
煩疼

青木香

二兩

丁香

一兩

薰陸香

白礬

各一兩

麝香

右咬咀每服四錢水一盞半煎至一盞去滓溫服熱  
盛者加犀角一兩無則以升麻代之輕者去礬大效  
犀角大青湯

大青

三兩

梔子

四十枚

犀角

右咬咀每服五錢入豉半合水一小盞半煎至一盞  
去滓服 初虞世云小兒瘡疹之候與傷寒溫疫相

似疑似之間可先與解肌湯大人傷寒中風溫疫瘡  
于已發熱未退並可用鮮肌湯 小兒瘡疹出不快  
濃煎紫草汁服又牛旁子炒熟為末同荊芥煎服

消毒犀角飲子

治  
癰

牛旁子

荊芥

甘草

右麤末水煎服

錢氏消毒散

牛旁子

荊芥

甘草

右蠶末水煎服

王朝奉癰論

發癰者下之太早熱氣乘虛入胃故也下之太遲熱留  
胃中亦發癰或服熱藥過多亦發癰微者赤癰出五  
死一生劇者黑癰出十死一生也皆當用白虎人參  
湯一名化癰湯及阿膠大青湯孫兆云兼與紫雪大  
妙可下者用調胃承氣湯暑月病陽重常宜體後見  
微癰當急治之



阿膠大青湯

大青

四兩

甘草

二兩

右為麤末每服四錢水一盞半入豉半合煎至一盞  
去粗入煮過阿膠二片再至膠消服 華佗方又主  
熱病不解下利篤困者又主傷寒熱病十餘日以上  
發汗吐下後熱不除利不止斑出黃疸皆可療之神  
效

王朝奉議論并方

陰陽毒不可以常法治之金匱云陽毒之為病面赤斑  
斑如綿紋咽喉痛唾膿血五日可治七日不可治陰  
毒之為病面目青身疼如被杖咽喉痛死生與陽毒  
同升麻鼈甲湯並主之 千金陽毒湯治傷寒一二  
日變成陽毒或服藥吐下後變成陽毒身重腰脊背  
痛煩悶不安狂言或走或見鬼或吐血下利其脉浮  
大面赤斑斑如錦紋咽喉痛吐膿血者五日可治七  
日不可治宜升麻湯 陰毒湯治傷寒初病一二日

變成陰毒或服藥六七日已上至十日變成陰毒身重背強腹中絞痛咽喉不利毒氣攻心心下堅強短氣不得息嘔逆唇青面黑四肢厥冷其脉沈細緊數仲景云此陰毒之候身如被杖五六日可治七日不可治也方一百七甘草湯

又陰疽湯治傷寒肢節疼痛內寒外熱虛煩者陰陽毒升麻鼈甲湯

升麻

當歸

甘草

各三兩

蜀椒

去汗一兩

鼈甲煮

雄黃半兩  
研

右咬咀每服五錢水二盞煎至一盞去滓溫服

肘後千金陽疸用升麻無鼈甲有桂陰毒用甘草無

雄黃

陽毒升麻湯 此二藥與活人特異當有別議

升麻半兩

當歸

蜀椒

雄黃

桂各一兩

右每服五錢水一盞半煎至一盞去滓溫服覆手足

取汗得吐亦佳

陰毒甘草湯

甘草

升麻

各半兩

當歸

蜀椒

鼈甲

一兩

右每服五錢水一盞半煎至一盞去滓服不一丹作

王朝奉陰陽二毒升麻等湯俱出金匱議論與活人同活陽毒升麻等湯特異用者當擇

陽疸湯

二疸方皆出活人大同小異

桂枝湯加黃芩二兩餘同本方加減法 自汗者去

桂加附子一枚 喝者去桂加括蕢根三兩 利者  
去芍藥加乾薑三兩附子一枚炮 心下悸者去芍  
藥加茯苓四兩 虛勞裏急正陽疸湯主之 若脉  
浮緊者不可與之

陰疸湯

芍藥

甘草

各二兩

乾薑

黃芩

各三兩

桂

四兩

右每服五錢水二盞半煎至一盞去滓服

治傷寒肢節疼內寒外熱虛煩者

甘草湯治咽喉痛陰陽毒未較甘草一味五錢水一盞

煎去滓服

沈香連翹散

治一切腫毒疼痛欲死者立止

青木香

沈香

升麻

麝香

乳香

丁香

獨活

桑寄生

連翹

木通

各一兩

川大黃

煨五兩

右為麤末每服三錢水二盞煎至一盞空心熱服半

日以上未利再服本方有竹瀝芒硝斟酌虛實用之內化丹

治腦背瘡疽初覺腫硬未有頭腦并諸腫不消始覺便服此藥微利數行其腫免致出膿

南乳香

半兩

沒藥

半兩另研

澤烏

大者水浸一夕炮去皮臍半兩

海浮石

醋淬七次半兩

巴豆

四十九粒去皮不出油

右為細末將烏頭末餘藥和研勻以浮石醋打麵糊丸如桐子大量虛實加減空心五七丸溫酒下忌熱



物

奪命丹

治惡瘡腦  
疽發背

大黃

切作塊大砂器內盛之攪九  
九八十一遍如比飛過一兩  
牡蠣一兩

生薑

一兩

沒藥

乳香

各一錢

右為麤末轉作丸子用好酒一升木炭火熬一沸耗  
三分用碗盛之夜露一宿早晨去滓空心服之不可

亂傳

治發背瘡方

蒼耳子炒黃擦去其刺再炒深黃不見風礮細末每服五錢 好熱酒調服食前臨卧

一則用大黃牡蠣二則用蒼耳則知有內外之不同也 前有奪命丹二藥表裏不同何以然乃膏粱之變脉沈而滑地之濕氣害人皮肉筋脉脉浮而滑所以有泄之發之之異也煮法一同與前内托散論議相通

大補十全散

參芪木茯苓

芍地桂歸川

三五錢秤用

生薑棗水煎

婦人虛弱用

名美號十全

治婦人諸虛不足五勞七傷不進飲食久病虛損時  
發潮熱氣攻骨脊拘急疼痛夜夢遺精面色痿黃脚  
膝無力一切病後氣不和失精憂愁思慮傷動血氣  
喘嗽中滿脾胃氣弱五心煩悶並皆治之此藥性溫  
不熱平補有效養氣育神醒志止渴順正辟邪溫暖

川芎

官桂

芍藥

甘草

黃耆

當歸

人參

白朮

茯苓

熟地

各等分

右麤末每服二大盞水一盞生薑三片棗二枚同煎至七分無時溫服參朮茯苓甘草四君子湯也川芎芍藥當歸地黃四物湯也以其血氣俱衰陰陽並弱天得地之成數故名曰十全散 保命救生丹出十全例

內托散

此方在補虛門

當官人芷桔 芎藭草厚風 可治膏梁變

補托有神功

本方註云未發者消散已發者早膿兼治時氣服者  
當求脉之源若其人本虛脉虛宜用此若脉不虛不  
宜用此反此則害人多矣經云地之濕氣感則害人  
皮肉筋脉而生疽者宜此藥托之右膏梁之變饒生  
大疔者不宜用之宜以羌活連翹大黃生地黃湯下  
之榮氣不從逆於腠理乃生癰腫榮逆血鬱鬱則熱

聚為腫正理論曰熱之為過則為癰腫榮氣不從亦有不熱者乎答曰膏粱之變芳草之美金石之過氣血太盛榮衛之氣充滿而抑遏不能行故閉塞血氣腐而為癰也當泄之以奪盛熱之氣若其人飲食踈精神衰氣血弱肌肉消薄榮衛之氣促短而滯滯故寒薄腠理閉鬱而為癰腫也當補之以接虛怯之氣亦當以脉之浮沈別之既得盛衰之異泄之則連翹大黃補之則內托散之類是也故經云膏粱之變饒

生大疔陷脉為癰留連肉腠此之謂歟 瘡瘍自外而入者不宜灸自內而出者宜灸外入者托之而不內內出者接之而令外故經云陷者灸之 灸而不痛痛而後止其灸灸而不痛者先及其潰所以不痛而後及良肉所以痛也 灸而痛不痛而後止其灸灸而痛者先及其未潰所以痛而次及其將潰所以不痛也 聖惠治腦疽發背用陽明藥如犀角麻黃石膏之類以其變在手太陰發渴或相火在中故不

用太陽藥只用陽明也 海藏黃耆湯與四物湯相合亦名托裏湯也內加桂沙參尤佳以其氣血齊補也

易簡胃風湯

治大人小兒風冷乘虛入客腸胃水穀不化泄瀉注下及腸胃濕毒下如豆汁或下瘀血日夜無度

人參 茯苓 川芎 桂

當歸 芍藥 白朮

各等分



右咬咀每服二錢水一大盞粟百餘粒同煎七分去滓消熱服空心食前小兒量力減之此方加熟地黃耆甘草等分足為十味名十補湯大治虛勞

嗽加五味子

有痰者加半夏

發熱加柴胡

有汗加牡蠣

虛寒加附子

寒甚加乾薑

皆依本方等分此須脾胃壯者可服稍不喜食則不可用往往今人只依脾虛停積痰飲發為勞治之服此等藥愈傷胃氣至於不效者比比皆是不可不知

也 若骨蒸發熱飲食自若者用大補湯柴胡各二兩分作十服之 人參治氣短茯苓小便不利川芎脉瀉弦官桂惡寒當歸脉瀉白芍藥腹痛白朮胃熱濕盛先便後血者血在上也便血相雜者血在中也先血後便者血在下也

潔古云防風為上使黃連為中使地榆為下使血瘀色紫者陳血也熱地黃 血鮮色紅者新血也生地黃寒熱者加柴胡 肌熱者加地骨皮 此證乃甲

欺戊也風在胃口中上濕泄不止濕既去盡而反生燥庚欺甲也本無金氣以其甲勝戊虧庚為母復讐也故經曰亢則害承乃制是反制勝已之化也若脉洪實病勝者加酒浸大黃 人參芍藥桂川芎當歸白朮茯苓七味為麤末薑煎服之主胃風

人參黃耆甘草三物湯

治瘡瘍發渴

黃耆甘草二物湯治膚痛內加防已為防已黃耆湯十全散減黃耆甘草熟地黃即胃風湯也內經有結陰

便血一條 初結一升再結二升三結三升

芍藥甘草例

仲景芍藥甘草湯

白芍藥

四兩甘草

芍藥白補而赤瀉白收而赤散也酸以收之甘以緩之酸甘相合同補陰血右二味咬咀水三升煮取一升半去滓溫服

甘草乾薑湯

內經曰辛甘發散為陽  
甘草乾薑以復陽氣

甘草

炙四兩

乾薑

炮二兩

右咬咀如前煎服之

四逆湯

甘草

乾薑

附子

右三味依法煎服

芍藥甘草附子湯

芍藥甘草黃芩湯

甘草一物湯

傷寒類要又甘草一物湯

治傷寒脉代見心悸動危困者

甘草二兩水三升煮取一升半服七合日二亦治肺癰

仲景煮甘草湯

治傷寒脉結代心悸動此湯主之屬太陽證也

甘草

生薑

人參

桂枝

大棗

麻仁

生地

麥門

阿膠

麩炒熟  
各等分

右咬咀每服用五錢水一盞半酒一盞煎至八分去

滓入膠盡服

東垣先生芍藥甘草例

芍藥二甘草一湯 脉弦加防風川芎脉洪加黃芩脉

緩加桂枝脉濇加當歸脉遲加乾薑大便軟加白朮

小便濇加茯苓 雜病痛服諸藥不效神應丸

桂苓例

桂苓丸

烏梅肉

一兩桂半兩

茯苓

二兩

右焙梅乾桂苓皆忌見火三味同為極細末煉蜜丸  
如雞頭子大每服十丸細嚼白湯送下津嚥亦可

荔枝煎

烏梅肉

焙乾  
一兩

乾木瓜

半兩

神麴

七錢  
微炒

白茯苓

七錢

豆粉

一兩  
生用

桂

去浮皮淨  
秤半兩

右麴粉別為細末餘四味碾極細後入麴粉和勻煉

蜜作挺每挺一兩可作十丸津化下草豆蔻御方思

食丸同



千里漿一名水葫蘆

並見集古

木瓜

半兩

紫蘇葉

桂

去皮各半兩

烏梅肉

赤苓

各一兩

右為細末煉蜜丸彈子大每服一丸細嚼津化新汲

水亦得

烏梅散

治下痢津液少大渴引飲不休

烏梅

焙半兩

茯苓

去皮一兩

木瓜

一兩

一法加桂三錢

右以咀每服五錢七升一盞生薑三片煎至七分去

滓服

紫蘇湯

治煩悶口乾多渴咽  
膈不利手足煩熱

紫蘇葉

三兩

甘草

五兩

烏梅肉

四兩

杏仁

一兩

去  
皮尖

鹽

五兩

右為細末每服三錢湯點服

大順散

此法出桂枝  
乾薑甘草例

桂

乾薑

炮各  
入分

甘草

煮六  
兩

杏仁

八兩

桂苓白朮丸

五苓散內去猪苓加薑硝半夏陳皮糊丸又加黃連  
黃蘗為堅中丸

又千里漿

麥門冬

紫蘇葉

木瓜

甘草煮

白茯苓

烏梅肉

杏仁

去皮尖  
各半兩

川百藥煎

一兩

右為細末酒糊為丸如櫻桃大噙化一法去牽牛蜜  
丸蠟固劑一丸噙之亦名水葫蘆

又方

百藥煎

烏梅

紫蘇

人參

甘草

麥門冬

右各等分為末熱湯點服

荔枝湯

烏梅

甘草

各三兩

白芷

半兩

百藥煎

二兩

白檀

二錢半

右為末點服

梅葛散

百藥煎

烏梅肉

甘草

錢各一

丁香

右細末煎服

桂漿出一斗料例

桂

三兩去浮皮

白茯苓

去皮三兩

麥門冬

半兩

神麴

半兩

右四味為細末蜜三斤熟水一斗一法加烏梅

蜜酒

好蜜

二斤

水

一石

細麴

二升

好乾酵

二兩

右先熬蜜水去華沫令絕冷下酵每日三攪三日熟

神朮湯拾遺

神朮加藁本湯

神朮木香湯

通治霧露之氣

菩薩散

治眼

是神朮湯內加荊芥白蒺藜細末鹽湯點眼酒亦可

仲景烏梅丸

治傷寒嘔吐後又用治下利

烏梅

三百二十箇

細辛

一斤半

乾薑

二兩半

黃連

四兩

當歸

一斤

附子

二兩

桂枝

一斤

人參

二兩

黃蘗

二兩

右將烏梅好醋浸一宿去核蒸之五斗米下飯熱忤成泥和藥令相得臼中與蜜杵二千下丸如桐子大食前飲下十九日二服加二十九分兩隨證主治加

減

此方當在厥陰條

錢氏芍藥蘗皮丸

芍藥

黃蘗

守真蘗皮丸

芍藥

黃蘗

黃連

當歸

四信散

黃連

黃蘗

芍藥

乾薑

孫用和治血痢以膩粉五錢定粉三錢同研勻水浸蒸餅為丸菰豆大每服七丸或十九艾十枝水一大盞煎湯下湯多尤佳

古方駐車丸

黃連

六兩

乾薑

當歸

阿膠

各三兩



右以上三味搗篩以三年米醋煮阿膠令消和藥衆手撚丸梧子大每服三十九飲下日三如無三年醋

只用礬醋

藥皮湯

治久血  
甚驗

藥皮

黃芩

各二  
兩

右咬咀每服四錢水二盞煎至一盞去滓入阿膠三片再煎膠散服腹痛甚者加梔子一兩小便不利者加茯苓六錢

活人黃連阿膠湯

治熱毒入胃  
下痢膿血

梔子

黃連

黃蘗

右咬咀依法煎服

活人三黃熟艾湯

治傷寒三四日大熱下利熱藥不能止

黃芩

黃連

黃蘗

熟艾

海藏云以上苦寒之藥元病不經內傷冷物者宜服亦  
當察人之虛實及以脉別之

經曰脾脉外鼓沈為腸澼久不已外鼓謂動於臂外也

肝脉小緩為腸澼易治肝脉小緩為乘肝故易治  
腎脉小搏沈為腸澼下血小為陰氣不足搏為陽  
氣乘之熱在下故下血也 血溫身熱者死然血溫  
身熱陰氣喪亂故死 心肝澼亦下血肝臟血心養  
血故澼皆下血也 右二臟同病者可治心火小木  
火相生故可治 其脉小沈瀼為腸澼心肝脉小而  
沈瀼者澼其身熱者是火氣內絕去心而歸於外也

故死火成數七故七日死

仲景治痢紫參湯

紫參

半斤

甘草

二兩

右以水五升煮紫參取汁二升入甘草再煎去一升  
分作三服放溫服之

扁鵲云若衄血吐血脉當沈細若反浮大而牢者死  
叔和云衄血吐血沈細宜忽然浮大命傾危經云泄脫  
血而脉實若遇於此皆曰難治 又云血溫身熱者

死

單黃連加減例

當在手少陰條下以其利在腸胃故列於此

加豆蔻木香為豆蔻香連丸 加陳皮為栢連丸

加訶子木香為小香連丸

黃連

加黃蘗為二聖丸 加木香白附子為白附香連丸

加榆仁為榆仁丸 加阿膠茯苓為阿膠丸 加

阿膠乾薑當歸為駐車丸

牛蒡子根散

國醫孫用和傳

治汗不流古方罕言之此是汗出時蓋覆不週汗出不勻以致腰背手足攣搐

牛蒡根

二十條

麻黃

二兩

牛膝

二兩

天南星

二兩

地龍

二兩

右牛蒡根去皮切并諸藥入砂盆內研細好酒一升同研爛新布取汁後用炭火燒一地坑子內通紅去炭掃盡藥汁內坑中再以火燒黑色將出於乳鉢內

細研每服半錢溫酒調下日三服用和親患三年服之效

玄胡丸

海藏評解利傷寒丸藥雜例並本方注後

玄胡

當歸

青皮

陳皮

三稜

廣茂

木香

乾薑

另研為細末各半兩

雄黃

二錢研粉入薑末同研

右醋糊丸桐子大每服三二十丸白湯下解利內外傷詩曰

玄歸三廣木

青陳薑與黃

醋糊丸桐大

偏宜內外傷

紫霜丸

治傷寒溫壯內夾冷實或已得汗身熱不除及變蒸  
發熱日久不解因食成癇俗呼為食迷風

代赭石

火燒醋淬

赤石

右未各一兩

巴豆

三十箇去皮臍炒研

杏仁

五十箇去皮尖麵炒另研

右用研勻湯浸蒸餅為丸黃米大小兒初生三十日



以外可服一九半歲一年二年可用三九乳下米湯  
亦得

無名丸

解內外與四生例相  
似在半夏例條下

貫衆

茯苓

代赭石

各一兩  
醋淬

自然銅

三兩三錢  
醋淬九遍

寒水石

燒成粉  
四兩

黑豆

去皮研  
細四兩

右件為細末小麥麵為丸菜豆大生薑湯送下三五  
十丸

此藥不知來例別無解例味數止是貫衆治頭風有  
毒解毒大抵解疫癘毒氣則效非若古法之分經也

本草云代赭石苦甘寒主鬼疰賊風 自然銅辛

平無毒療折傷散血主痛 貫衆治頭風 半夏治

傷寒寒熱巴豆辛溫主傷寒溫瘧寒熱鼓煎亦解利

此三藥雖云治傷寒止治因內感而發出之外多

效若外感一日太陽受之不宜用此不知藥性者不  
可執此解利外感此藥大抵止治內不能行經若欲

行經非湯液不能也 代赭石自然銅二味兼以醋  
淬煨以苦酒與火力同能上行故解利也 若以代  
赭自然二石以性論下行之體無疑更當詳紫霜丸  
主治傷寒溫壯內夾冷實一句只知無名體也

天麻朱砂丸

治內  
外傷

天麻

一兩

雄黃

半兩

硃砂

二錢

巴豆

去皮膜

油半兩

約二百粒

右為細末蠟和作錠子旋丸如黍米大每服三五丸  
溫酒白湯送下俱得食後 玄胡丸內有雄黃乾薑

苦酒與此一體 本草云雄黃味甘治百節中大風  
所以解利

安先生傳易老解利二藥

狼毒

大戟

草烏頭

生用各等分

右為細末醋糊丸桐子大每服五七丸或十九丸溫水  
下

解利傷寒喘藥

乾山藥

藜蘆

連鬚一錢

右為細末紙撚噓之

楊氏內解丸

芫華

紅藥  
各等分

右為細末生用醋糊丸如菉豆大溫水下一丸少頃  
以蔥醋米湯投之無時

四生丸

天南星

半夏


芫華

自然銅

各等分

右為細末醋打蕎麥麵為丸菉豆大酒積痰飲胞

脹腹滿食飲不消五九臨卧溫水下忌熱物 傷寒  
時疾豆豉湯下十五九三服解心氣大痛溫醋湯下



醫方元戎卷二